

عدد — ۸۷

مور اداره و تحریریه و اعلانات و سازه
ایچون مدیر مسئوله مباحث ایدملیدر.

صرفای امتک مقالات منصفانه لرینه
حریده سوفیه تک حقیقه لری آچقه بدیر.
درج ایدلمان اوراق اعاده انداز ،

جریده تصوفیه

شیمدینک هفته ده بر نشر اولنور .

نسخه سی ۲۰ پاره در

ابونه سی : بر سنک اعتبارله ممالک
عثمانیه ایچون ۴۰ الی آبلعی ۲۵ فروش
وممالک اجنبیه ایچون اون ایکی فرانقدیر

حل اداره باب عالی جوارنده ابوالسمود
جاده سیده نجم استقبال مطبعه سی

تصوفی ، دینی ، اخلاقی ، سیاسی جریده اسلامیة در

علویات اسلام

ام الفساد ، سم العباد بر مشروع ممنوع :

— خمر —

— مابعد —

(۱۷)

حال وموقعمزی ، موجودیت ملیہ مزی ، نسلمزی اولاد واحفاد مزی ، عائہ مزی ، تروتمزی امحا ایتک ایچون عیجا برقراری ویردک ؛ (اولاد) - بومسکراتی صاتانلر برجنایت ایشلہ یوزلر ؛ (ثانیاً) - مسکراتی قوللانانلر انتخار ایدیورلر ؛ (ثالثاً) - وظیفہ دار بولان حکومت مأمورلری مسکراتی اعمال ایدنلر ایله صاتانلری بومدهش تجارتدن منع ایتیورلر . بواوچ قسمنک اوچرده شومملکتی تخریبہ بیلہرک ، بیللمہرک اشتراک ایدیورلر .

مملکت تجدد ایتسون ، اہالیک مادی ومعنوی موجودیتی تحت تأمینہ آلتسون دیہہ چیرنوب طوردیفمز ، اسکیکل یرینہ حیات بخش بریکیکل کلیمہ انتظار ایتدیکمز شوآندہ شہرمز اہالیسندن برقسمنک زہرلیمہ وطن نامہ آغلامق بیلہ آزدرد . استانبولده بو ، بویله ایسہ عیجا طشرده نصلدر ؛ حقی برسؤال دگی ؛ استانبولده بوایشہ باقلماش ایسہ عیجا طشرده باقلمشیدر ؟

طشرده قوللانایلان مسکراتده بویله زہر قاتل ایسہ بومملکتک خلقی صکرہ نہ حالہ کلور ؛ ذاتاً سختہ منافی کونا کون مؤثرات ایچندہ اہالی بویله برده مسکرات دیہہ زہرایلہ کندی تسمیم ایدر ایسہ آتیزدن نہ بکلیہ بیلیرز ؟

ولایات حقندہ آلدیفمز خبرلر موجب اطمشان دکلدر . مسکرات خصوصندہ بروقتلر امساک ایلہ شہرت قازانان اہالیزک برمدنلری استعمال مسکراتہ اعتیاد حاصل ایلدکلری بیان ایدیایورکہ دہا مؤثر برآچی اولہماز . بز نسل آتی ، نسل آتی دیہہ تسبیح چکوب طورر ایکن اونسل آتی دن برقسمنک بابالری بواعتیادہ کورر ایسہک مایوس بولمنہ حتمز یوقیدر ؟

مسلمانلرہ ندیہلم ؛ بوخرپ اعتیاد ایلہ الفت ایتکہ باشلادقلری زمان عیجا شمدی اوکوندکلری اجدادلرینک اعتیاد قضیت کارانہ سنی احکام دینہ رعایتلری ہیچمی نظر دقنہ آلیورلر ؛ اوقوحت سابقہی احراز ایدن بابالرحزردہ بویله اعتیادلر واری ایدی ؛ سلطان عثمان اول . شیخ آدمبالی خانہ سندنہکی برقرآن کریم نسخہ سہ تعظیماً صباحہ قدر ایاق اوزردہ طورمدی ؛ انلرک روحلرندہکی اوفوق الطبیعہ قوت نہ ایدی ؛ آنلری غالب چیقاران فضائل اخلاقیہ دگی ایدی ؛ انلرک سالاک بولدقلری دینک احکامی ہیچمی درخاطر ایتیورز ؛ الک بیوک

قوتی اخلاق مزیتلرندہ کورمیوزمی ز ؛ مسلمانلق زردہ ، مسکرات استعمالی زردہ ؛ بوکون آوروپالیر قرآن کریمی تشریح ایتدکلری زمان الک انسانی ، الک اخلاق ، الک قورتاریجی احکام بولنلق اوزردہ بوکتابک مسکراتی کلیاً منع ایتش بولنسنی ذکر ایدیورلر . بز احوال وحرکاتملرلہ او احکام منجیہ بہ دینی رعایت ایتز ایسہک بزہ ملل متحدنہ ندرلر ؟

بویله زہر ایلہ معسدہ لرینی طولدیرانلرک حالی نہیہ وارر ؛ بوکبی آدملر وطنک ایشنہ یارایہجق نہ خدمت کورہ بیلورلر ؛ نہکبی اولاد یتشدیرہ بیلورلر ؛ انلرک چالشمیلرندن ، فکرلرندن وطنجہ ، شخصجہ نہ منفعت حصولہ کلک ممکندر ؛ وجودلری بوسورتلہ تخریب ایدنلردن نہ بکلنہ بیلورکہ ... بویله کیمسہ لردہ ایی دوشونمک خاصہ سنی قالبر ؛ بواعتیاد ایلہ الفت ایدنلرک عائہلرندہ برسعادت حصولہ کلک ممکنیدر ؛ نہ یاپار اوزواللی بدبخت اولاد ، اوزواللی زوجہ ... بویله برآودہ دیرلکمی بولنور ؛ بویله برآودہ اقتصادی بولنور ؛ بویله برآودہ عائہ تشکیلدہکی بتون امللر بزباد اولمازمی ؛ ہلہ اوزواللی اولاد ! ... او بیچارہ یاوروچقلر ، اوبتون فلاکتلردہ تقصیرلری بولنیمان معصوملر ! ... مرحمتلرکلک ، طویفوسزلنک ، اعتسافک بودرجہ سنی تصور ایدیہ بیلورمی ؛ اکلاشلماز ، انسان کندی شخصی ، کندی خلقتی ، کندی روحایتی نہ صورتلہ بودرجہ تذلیل ایدر ، عائہ سنی بومرتبہ استحقار ایلر .

اکلاماق ، اکلاہمیہجق برحالہ کلک ، فضائل معنویہ سنی برباد ایتک ، شکل وصورتی کریمہ برحالہ صوفیق فصل ممکن بولنورده ذوق نامی آلیر ؟ ... انسانک ذوقی انسانلقتی ، خواص انسانیتنی اکلاماقلہمی حصولہ کلور ؛ یونسہ او حواسدہکی قدرت وقوتلہمی ؛ پراخانہ لردہ ، میخانہ لردہ ، اومردار ملوث یرلردہ ، مستکرہ بربخار ایچندہ انسان نہ ونجہلہ ذوقیاب بولنور ؛ انسان ذوق طویق ایچون دیل طولاشمق ، کوزلری دونمک ، ایاقلری طولاشمق ، نہایت عقلی فکری غائب ایتکمی لازمدر ؟

ذاتاً متورمین آرمش کبی مملکت ، وطن برده مسکرات ایلہ تورم ایدوب ترک حیات ایدنلری کورمکلہدہمی بدبخت بولنسون ؛ اجزاجی اونلک افدینک تقریری وجہ ایلہ بوزہر قاتل سربست سربست صاتیورر ایسہ علاقہ دار بولان مأمورلر عیجا کنیدیلرینہ ترتب ایدن مسئولیت معنویہی دوشونمزلمی ؛ عاجلاً برچارہ نہ باقلی ، بو ، اہمال ایدیہلجک برشی دکلدر ... صیق برمعاینہ ایلہ بلکہ برپارچہ ضرر تعدیل ایدیور . فقط یالکمز بوقدرلہ اولماز . بووخیم برمسئلہ اجتہادیدر . بونک اوکنہ کیچلہجک تدبیرلر بولنمزسہ سکز اون سہ صکرہ کورہجکمز نتیجہلر قارشیسندن مہوت قالیرز . ذاتاً وجودجہ اوقدر تحملی اولمان برصنف خلق صابر صابر دوکلکہ باشلار . ہم اقتصادیات ، ہمدہ مدافعہ مملکت ایچون مسئلہ شمدیدن نظر دقتی

جلب ايتليلدور. نفوس عموميه تناقص ايدر، قالانلر ايشه ياراماز. اولاد جيليز، سرسم بولنور. بوكي انسانلرده ارتق ثبث قوتی ده بوق ديمكدر.

بومسئله ده ديانندن استعانه ايتك خاطر مزه كمدی دكل... احكام دينيه نك واعظ افنديلر ايله علمای اسلاميه طرفندن تلقين واخطاری وظیفه سینه كرمی ویرماید؛ چونكه بعض كيمسه لردن ایشیدییورزكه كویا شراب حرام ایش، فقط راقی دكل ایش دییه!... بوسرسم آدملره شرابك منع ایدلسی نه سیه مبنی ایدوكنی وبوسیبك بالجه مسكرات حقنده موجود بولندیقی اكلا تماید. احكام شرعیه نك برحمتی وارد؛ او حكمت سرسملكه تفسیر اولغاز. شریعت شرابی نه سیه مبنی منع ایشدور. مسلمان بولندقلری سویله یین بوكیمسه لره تبیت ایندكلی كتاب شریفك امرینی سویلیدر. بوبلای بومل اوزرندن قالدیرمه چاشماید.

افریقاده کی بعض اقوام مسكراته آلیشه رق بوكون اولیه برهیمی حاله دوشدیلر كه تفصیلاتی یوركدر آجیسیدر. بزده ده بوبلا تعمیم ایده ایده صوكمز نیه واریر؟

اجامزدن برمدقق ذات غلطه ده کی بالوزلرك ایچرلری كوزدن كپیرمش، بتون بولنری عمله اسلامیه ايله طوبطولو كورمش، ایچلرنده بردانه خرسیتان كورمدیكنی تأمین ایتدی. نه مؤلم حال. اوبالوز مداوملرینك مملكتلرینه نه كبی هدیه لر كتوره جكلی، كویلرمزك قصبه لرمزك نه حاله كله جكلی دوشونلیورمی؟ ذاتا برچوق یرده اوحالی بز بوكون كال مرارتله كورمیورمی بز؟ حرب وضربه قادر، تجارت وصناعتله اككنی قازانغه مقتدر انسانلر یتیشه بیلیمك ایچون بوكی مرضلرك تدویسی لازم كلیر. فرانسز كیچیلرینك فرانسه ده اسرار استعمالی اعتیاد ایش بولنلری فرانسه ده نه كوردیلرله سبیت ویردی؟ حكومت، غزه چیاز، اطبا اوعیتادك علیه یورودیلر. فرانسه یی بیوك برتهلكه آلتند كوردكلی سویلیدلر. هان تدیرلر اتخاذه باشلاندی. مدینك بویه مهلك مرضلری ده وارد. انلرك ازاله سینه اهتام ایدلر ایشه مدینك آثاری وحشتدن ده بدتر بولنور.

عصر حاضرده برحكومتك وظیفه سی يك مشكل، يك مزعجدر. نه چاره، اومشكلاتك اوكنه كچمك، زحمتله قاتلاقم لازم كلیر. یوقسه خلق كندی بیلدیكنه براقلماز.

اقدام غزه ته سندن اقتباساً عیناً بالایه درج ایتدیكمز مقاله كرك مسكرات كئولیه نك انسانلری زهرلدیكنه دائر بولنان بیانات اولیه مزى وكرك «خر» ی تشكیل ایلان انواع مسكرات حقنده کی بیانات ومقالات سالفه مزى بالوجهه تأیید ایلكه برابر برطاقم اخطارات وطنپرورانه یی دخی احتوا ایلدیكندن مشروبات كئولیه علیه دارلنی مسئله مهمه سنك شووجهه بزده دخی انظار دقه آنگه

باشلامسینه نه درجه لرده سونمش ایشه بومقاله یی احتوا ایلان «اقدام» نسخه سنك اوچنچی صحیفه سنده مجلس عمومی ولایت مقرراتنك بیانی صره سنده مجلس مذکور اعضاستدن اجزاجی اوننك افندی طرفندن پیاسه ده صاتلقده بولنان مسكراتك يك فنا ومغشوش بولندیغه وبولنری قوللانلرك دهشتنی برصورتده زهرلنكده بولندقلرینه وبوحاله چاره بولمق اوزره بر« مسكرات جمعیتی» تشكیله دائر ویرلن تقریرك صحیه انجمنده بعدالذاكره مذکور انجمنجه ویریه لك رایور اوزرینه هیئت عمومیه ده مذاكره ایدلسی قواركیر بولندیقی كال مسارایله اوقومش بولندیغمزدن مومی الیه اجزاجی اوننك افندی به هم خدمات وطنپرورانه وانسانیه سینه قارشو برتشكر مخصوص ایفا ایتك وهمده كندوسنه بوبابده بعض مطالعات درمیان ایتك، بعض بیاناتده بولمق اوزره برمكتوب یازدم. كرك بومكتوبك وكرك افندی مومی الیه طرفندن ورود ایلان قیمندار جوابنامه نك بحمز به بالوجهه تعلق ومناسبتی بولندیقی، بوبابده تنور افكاره مدار بولمق بحق برطاقم حقایقی ده. احتوا ایلدیكى جهته مذکور ایكى مکتوب صورتلرینك دخی بعض مرتبه ایجاز واختصارایله بروهه آتی درج وتحریری مناسب كوراشدور.

محترم اجزاجی اوننك افندی به طرفزدن یازیلان مکتوب صورتی:

... اقدام غزه ته سنك ۱ كانون ثانی ۱۳۲۹ تاریخلو و ۶۰۶۸ نومرولی نسخه سنده «مسكراتك مملكتلرده کی تخریباتی» سروحه یی باشمقاله ده مسكرات یوزندن حصوله كفن بلایا وفلاكتلرك، تخریباتك منع وتحدیدی ایچون وقوعه كن تشبثات وهماات انسانیه لرنی اوقودم؛ عین نسخه ده بوبوله طرفكزندن ویرلن تقریرك بعد مجلس عمومی ولایتده مذاكره ایدلك اوزره صحیه انجمنه حواله ایلدیكنی ده كال مسارایله كوردم. ذات عالی دهها پروریلرینك بوجهه شهرمه، وطنمه، انسانیه قارشو ایفا یوردقلری، بیورمه جقلری خدمات برکزیده وفوق العاده دن طولایی استانبول سكائی، وطنمز، عالم انسانیت نامنه بتون موجودیله ذات عالی لرنی تبریک ایدرم.

مسكرات حقنده مخلصلری ده اوتدنبور تدقیقات ومساعدیه بولنه یوردم. اقدامك اوباش مقاله سی اوزرینه بوبوله برمقاله دهها یازمش، دون اقدام مطبعه سینه كوندلشدر چند سینه اول بروسه ده بولندیغم صره ده يك چوق بروسه مسلمان كنجلرینك، انلرینك ایشام دكل! كوندوزلری صباحدن اوكله لره قدر اومردار، مستكروه راتیلری باخصوص سدبانی میخانه لرنده صوایچركی ایچدكلی كورمش، ایشاملری ده آیریمه ذیل زورنا برحاله كلكلرینی اكلامش وهله حبلده ودها برچوق یرلده برچوق مسلم وغیرمسلم كنجلرك، یاشیلرك! مردار مسكراته، راتیلرله زهرلندكلی مشاهده ایش وشرت یوزندن هر یرده يك بیوك بلایا ومغرترله وخیم خسته لقل حصولی ابوجه اكلامش بولندیقی ایچون عموم مسكرات كئولیه وغیركئولیه علمنده برسله مقالات وجوده كتیره رك بولنری «جريدة صوفیه» ايله نشر ایتكه باشلادم. آبروجه رساله صورتده دخی طبع یتكه بولنان بومقالاتی مطالعه ایدرسه كز ممنون قاله جكززه شهیم بوقدر. فرانسه یی به ترجمه سنك دخی «لاتركی» غزه سیله تفرقه صورتده طبع ونشری مقررده.... اومارمكه بو ارمسلم وغیرمسلم سرك کی محترم وطنداشلمزك، هر انسانیت پرورك تقدیراته مظهر بولنه جقدر.... بوبابده کی تدقیقات وتجارب ومطالعات فیه كزی دخی-

آرچه برسم مخصوص تشکیل اینک اوزره - بو اثرله برلکده نشر ایدمه یلورز.
مقصد وطنیزه ، انساننه خدمتدر [۳ کانون ثانی ۱۳۲۹
مابعدی وار

احمد مختار

ترانه کدر

و

تاریخ ظفر

حضرت فتحی ، جناب صادق
ارتخالی داغ دلدر ملته
حکمتی لایسل اولمش خالقک
یاندق اللهم بو سر حکمته

— ۲ —

آسمان ملکه بر طیاره من
عن ایله پرواز ایدرکن آم آم
دوشدی خاکه ناکهان سیاره من
اولدیلر صادقله فتحی من تباه

— ۳ —

کرچه بونلر ایتدیلر کوزدن افول
بولدیلر اما حیات جاودان
اولدیلر صاعد اوج قبول .
عمر ملتله یاشارلر بی کان

— ۴ —

اجتهادک اولسه ماحی قلری ؟
کیمسه ایتزدی فدای جان و تن !
سینه ملتده در مدقلری
نامرلیله افتحار ایلر وطن !

— ۵ —

ملتی اوغرنده بذل جان ایله
شبهه یوقدر کیم دوشن ایلر صعود
عرشده همبزم اولور جانان ایله
راه دینه ایله بن فرش وجود

— ۶ —

اشک خونیمله دولدی کوزلرم
صادق ، فتحی بی آکدم آغلادم
آتین اولمازی آرتق سوزلرم ؟
طانع ناسازه یاندم آغلادم

— ۷ —

قلعه وجدانی فتح ایتدی بیری
ایتدی اثبات صداقت دیکری
اولمادی اونلر ، شهیدلردر دیری !
رفرف غفران حقدر یرلری

الذین اب

غزل

اولسه سخن خرابانده مبنای امل
کهنه خمخانه اولورمیدی عجب جای امل
اوله ماز عالم اسرارینه کیمسه آگاه
پیر ایدر آدمی افسوس ایله خایای امل
مقبل دولت اولان اولمادی آسوده نشین
صاریلور دامتله جمله اودای امل
نشئه فیض ترقی ایله مینوش اولانی
الم ودرد ایله مست ایتده صهای امل
کوکله اولدقد سر اپرده ساقیده نهان
آشکار اولدی رشید جمله خفایای امل

اسبق حجاز والیسی

احمد رشید

« حیات ابدی »

لا یموت اول ، یوقسه مال اولماز حیات مستعار
موتوا قبل ان تموتوا امرینه نقاد ایسهک
نفسکی بیلمک کرکدر ، نفسکی افنا دهکل !
من عرفدن درس اوقو ، بیل ربکی استاد ایسهک
کنز لایقنای وحدتدر وجود جاودان
سن بو جود جاودانه تشنه دل نقاد ایسهک
کوزله مرفقات ترقی دوست اشکیندن کوزم
حق یولنده واقف سر لایمرصاد ایسهک
عشق اوجاغندن رماد آل ، کلل جان ایت شوقله
یزم اودناده سری داخل اوتاد ایسهک

شیخ

محمدالدین سری